



**ԵՏՈՒԹՅԱՆ ԿԱՐԻՔՆԵՐԻ ՀԱՄԱՐ ՎԵՐԱՊԱՏՐԱՍՏՄԱՆ
ԾԱՌԱՅՈՒԹՅՈՒՆՆԵՐԻ ՄԱՏՈՒՅՄԱՆ
ՊԵՏԱԿԱՆ ԳՆՄԱՆ ՊԱՅՄԱՆԱԳԻՐ
N <<ՀԱՆ-ՇՀԾԶԲ-15/7-17/1>>**

<<20>> մարտի 2017թ.

Ք. Երևանի Հանրապետության արդարադատության նախարարության աշխատակազմն ի դեմս աշխատակազմի ղեկավար Արմեն Գևորգյանի,, որը գործում է Հայաստանի Հանրապետության արդարադատության նախարարության աշխատակազմի կանոնադրության հիման վրա (այսուհետև՝ Պատվիրատու), մի կողմից, և <Իրավական կրթության և վերականգնողական ծրագրերի իրականացման կենտրոն> ՊՈԱԿ-ն, ի դեմս Ընկերության տնօրեն Աշոտ Հայրապետյանի (այսուհետև՝ Կատարող), որը գործում է կանոնադրության հիման վրա մյուս կողմից, կնքեցին սույն պայմանագիրը հետևյալի մասին:

1. ՊԱՅՄԱՆԱԳՐԻ ԱՌԱՐԿԱՆ

1.1 Պատվիրատուն հանձնարարում է, իսկ Կատարողը ստանձնում է **վերապատրաստման ծառայությունների** մատուցման պարտավորությունը (այսուհետև՝ Ծառայություն)՝ համաձայն սույն պայմանագրի անբաժանելի մասը կազմող **N 1 հավելվածով** սահմանված Տեխնիկական բնութագիր-գնման ժամանակացույցի պահանջների:

1.2 Ծառայությունը մատուցվում է սույն պայմանագրի **N 1 հավելվածով** սահմանված **Տեխնիկական բնութագիր-գնման ժամանակացույցին** համապատասխան և սահմանված ժամկետներով:

2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

2.1 Պատվիրատուն իրավունք ունի՝

2.1.1 Ցանկացած ժամանակ ստուգել Կատարողի կողմից մատուցվող Ծառայության ընթացքը և որակը՝ առանց միջամտելու Կատարողի գործունեությանը.

2.1.2 Եթե մատուցվել է սույն պայմանագրի **N 1 հավելվածում** նշված **Տեխնիկական բնութագիր-գնման ժամանակացույցին** չհամապատասխանող Ծառայություն.

ա) Չընդունել Ծառայությունը՝ իր հայեցողությամբ սահմանելով անպատշաճ որակի Ծառայությունը սույն պայմանագրին համապատասխանող Ծառայությամբ անհատույց փոխարինման ողջամիտ ժամկետ և պահանջել Կատարողից վճարելու սույն պայմանագրի 5.2 կետով նախատեսված տուգանքը, ինչպես նաև 5.3 կետով նախատեսված տույժը.

բ) Հրաժարվել սույն պայմանագիրը կատարելուց և պահանջել վերադարձնելու Ծառայության համար վճարված գումարը և պահանջել Կատարողից վճարելու սույն պայմանագրի 5.2 կետով նախատեսված տուգանքը.

2.1.3 Միակողմանի լուծել սույն պայմանագիրը, եթե Կատարողն էականորեն խախտել է սույն պայմանագիրը: Կատարողի կողմից պայմանագիրը խախտելն էական է համարվում, եթե՝

ա) Վատուցված Ծառայությունը չի համապատասխանում սույն պայմանագրի **N 1 հավելվածով** սահմանված պահանջներին,

բ) խախտվել է Ծառայության մատուցման ժամկետը:

2.2 Պատվիրատուն պարտավոր է՝

2.2.1 Քննարկել և ընդունել Տեխնիկական բնութագիր-գնման ժամանակացույցին համապատասխան մատուցված Ծառայության արդյունքը, իսկ Ծառայության արդյունքում թերություններ հայտնաբերելու դեպքերում՝ այդ մասին անհապաղ գրավոր հայտնել Կատարողին:

2.2.2 Ծառայության արդյունքն ընդունելու դեպքում Կատարողին վճարել վերջինիս վճարման ենթակա գումարները, իսկ ժամկետի խախտման դեպքում՝ նաև սույն պայմանագրի 5.5 կետով նախատեսված տույժը:

2.3 Կատարողն իրավունք ունի՝

2.3.1 Պատվիրատուից պահանջել վճարելու իրեն վճարման ենթակա գումարները, իսկ Պատվիրատուի կողմից սույն պայմանագրի 4.2 կետում նշված ժամկետի խախտման դեպքում նաև սույն պայմանագրի 5.5 կետով նախատեսված տույժը:

2.4 Կատարողը պարտավոր է՝

2.4.1 Սույն պայմանագրի N 1 հավելվածով սահմանված պայմաններով ապահովել Ծառայության մատուցումը՝ ղեկավարվելով գործող օրենսդրությամբ:

2.4.2 Սույն պայմանագրով նախատեսված դեպքերում վճարել սույն պայմանագրի 5.2 և 5.3 կետերով նախատեսված տույժը և տուգանքը:

2.4.3 Սույն պայմանագրի կատարման ապահովման գործողության ընթացքում լուծարման կամ սնանկացման գործընթաց սկսելու դեպքում դրա մասին նախապես գրավոր տեղեկացնել Պատվիրատուին:

3. ԾԱՌԱՅՈՒԹՅԱՆ ՀԱՆՁՆՄԱՆ ԵՎ ԸՆԴՈՒՆՄԱՆ ԿԱՐԳԸ

3.1 Պայմանագրի կամ դրա մի մասի կատարման արդյունքներն ընդունվում են Պատվիրատուի և Կատարողի միջև հանձնման-ընդունման արձանագրության ստորագրմամբ, իսկ պայմանագրի արդյունքը Պատվիրատուին հանձնելու փաստը ֆիքսվում է երկկողմ հաստատված փաստաթղթով՝ նշելով փաստաթղթի կազմման ամսաթիվը:

Մինչև սույն պայմանագրով նախատեսված Ծառայության մատուցման ավարտի օրը ներառյալ Կատարողը Պատվիրատուին է ներկայացնում մատուցված Ծառայության մասին իր կողմից ստորագրված հանձնման-ընդունման արձանագրության 2 (երկու) օրինակ (Հավելված N 3) և պայմանագրի արդյունքը Պատվիրատուին հանձնելու փաստը ֆիքսող փաստաթուղթը (Հավելված N 3.1):

3.2 Հանձնման-ընդունման արձանագրությունն ստորագրվում է, եթե մատուցված Ծառայությունը համապատասխանում է պայմանագրի պայմաններին: Հակառակ դեպքում պայմանագրի կամ դրա մի մասի կատարման արդյունքները չեն ընդունվում, հանձնման-ընդունման արձանագրություն չի ստորագրվում և Պատվիրատուն՝

ա) հարցի կարգավորման համար ձեռնարկում է նման իրավիճակի համար սույն պայմանագրով նախատեսված միջոցները.

բ) Կատարողի նկատմամբ կիրառում է սույն պայմանագրով նախատեսված պատասխանատվության միջոցներ:

3.3 Պատվիրատուն հանձնման-ընդունման արձանագրությունը ստանալու պահից 10 (տաս) օրյա ժամկետում Կատարողին է ներկայացնում իր կողմից ստորագրված հանձնման-ընդունման արձանագրության մեկ օրինակը կամ Ծառայությունը չընդունելու պատճառաբանված մերժումը:

3.4 Եթե Պատվիրատուն սույն պայմանագրի 3.3 կետով սահմանված ժամկետում չի ընդունում պայմանագրի արդյունքը կամ չի մերժում, ապա այն համարվում է ընդունված և սույն պայմանագրի 3.3 կետով սահմանված վերջնաժամկետին հաջորդող աշխատանքային օրը Պատվիրատուն Կատարողին է տրամադրում իր կողմից հաստատված հանձնման-ընդունման արձանագրությունը:

4. ՊԱՅՄԱՆԱԳՐԻ ԳԻՆԸ

4.1. Սույն պայմանագրով Կատարողի մատուցման ենթակա Ծառայության ընդհանուր գինը կազմում է **76464000 (յոթանասունվեց միլիոն չորս հարյուր վաթսուներորս հազար)** ՀՀ դրամ: Գինը ներառում է Կատարողի կողմից իրականացվող բոլոր ծախսերը՝ այդ թվում հարկերը, տուրքերը և ՀՀ օրենսդրությամբ սահմանված այլ վճարները:

Ծառայության մատուցման գինը կայուն է և Կատարողն իրավունք չունի պահանջել ավելացնելու, իսկ Պատվիրատուն նվազեցնելու այդ գինը:

4.2 Պատվիրատուն իրեն մատուցած Ծառայության դիմաց վճարում է անկանխիկ՝ դրամական միջոցները Կատարողի հաշվարկային հաշվին փոխանցելու միջոցով: Դրամական միջոցների փոխանցումը կատարվում է հանձնման-ընդունման արձանագրության հիման վրա՝ սույն պայմանագրի N 2 հավելվածով սահմանված վճարման ժամանակացույցով նախատեսված ամսում (եթե արձանագրությունը կազմվում է տվյալ ամսվա 20-ից հետո, ապա վճարումն իրականացվում է 20 բանկային օրվա ընթացքում), բայց ոչ ավելի տվյալ ժամանակահատվածի համար նախատեսված գումարի չափից: Եթե ընդունված Ծառայության դիմաց վճարելու համար վճարման ժամանակացույցով նախատեսված միջոցները չեն բավարարում, ապա վճարումը, սույն կետի պայմաններով, իրականացվում է այն ամսում, որում դրամական միջոցները նախատեսված են, սակայն ոչ ուշ քան **25.12.2017թ.**:

5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

5.1 Կատարողը պատասխանատվություն է կրում Ծառայության մատուցման՝ սույն պայմանագրի պահանջների պահպանման համար:

5.2 Սույն պայմանագրի N 1 հավելվածում նշված տեխնիկական բնութագրին չհամապատասխանող Ծառայություն մատուցելու յուրաքանչյուր դեպքում Կատարողից գանձվում է տուգանք՝ սույն պայմանագրի 4.1 կետում նախատեսված գումարի 0,5 (զրո ամբողջ հինգ տասնորդական) տոկոսի չափով¹:

5.3 Սույն պայմանագրով նախատեսված Ծառայության մատուցման ժամկետը խախտելու դեպքում Կատարողից յուրաքանչյուր ուշացված օրվա համար գանձվում է տույժ՝ մատուցման ենթակա, սակայն չմատուցված Ծառայության գնի 0,05 (զրո ամբողջ հինգ հարյուրերորդական) տոկոսի չափով:

5.4 Սույն պայմանագրի 5.2 և 5.3 կետերով նախատեսված տուգանքը և տույժը հաշվարկվում և հաշվանցվում են Ծառայություն մատուցելու արդյունքում Կատարողին վճարման ենթակա գումարների հետ:

5.5 Պատվիրատուի կողմից սույն պայմանագրի 4.2 կետով նախատեսված ժամկետի խախտման դեպքում Պատվիրատուի նկատմամբ յուրաքանչյուր ուշացված օրվա համար հաշվարկվում է տույժ՝ վճարման ենթակա, սակայն չվճարված գումարի 0,05 (զրո ամբողջ հինգ հարյուրերորդական) տոկոսի չափով:

5.6 Սույն պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

5.7 Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

6. ԱՆՀԱՂԹԱՎԱՐԵԼԻ ՈՒԺԻ ԱԶԴԵՑՈՒԹՅՈՒՆ (ՖՈՐՍ-ՄԱԺՈՐ)

Սույն պայմանագրով և սույն պայմանագրի հիման վրա կնքված Համաձայնագրերով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծել պայմանագիրը՝ այդ մասին նախապես տեղյակ պահելով մյուս կողմին:

7. ԱՅԼ ՊԱՅՄԱՆՆԵՐ

7.1 Սույն պայմանագիրն ուժի մեջ է մտնում կողմերի ստորագրման պահից և գործում է մինչև կողմերի սույն պայմանագրով ստանձնած պարտավորությունների ողջ ծավալով կատարումը:

7.2 Այն դեպքում, երբ օրենքով նախատեսված կարգով օրենքի պահանջների կատարման նկատմամբ հսկողության կամ վերահսկողության կամ բողոքների քննության արդյունքում արձանագրվում է, որ գնման գործընթացում, մինչև պայմանագրի կնքումը, Կատարողը ներկայացրել է կեղծ փաստաթղթեր (տեղեկություններ և տվյալներ), կամ վերջինիս ընտրված մասնակից ճանաչելու մասին որոշումը չի համապատասխանում Հայաստանի Հանրապետության օրենսդրությանը, ապա այդ հիմքերն ի հայտ գալուց հետո Պատվիրատուն իրավունք ունի միակողմանիորեն լուծելու պայմանագիրը, եթե արձանագրված խախտումները մինչև պայմանագրի կնքումը հայտնի լինելու դեպքում գնումների մասին Հայաստանի Հանրապետության օրենսդրության համաձայն հիմք կհանդիսանային պայմանագիրը չկնքելու համար: Ընդ որում, Պատվիրատուն չի կրում պայմանագրի միակողմանի լուծման հետևանքով Կատարողի համար առաջացող վնասների կամ բաց թողնված օգուտի ռիսկը, իսկ վերջինս պարտավոր է Հայաստանի Հանրապետության օրենքով սահմանված կարգով փոխհատուցել իր մեղքով Պատվիրատուի կրած վնասներն այն ծավալով, որը չի ծածկվում մինչև լուծումը գնման պայմանագրի կատարմամբ Պատվիրատուի ստացածով:

7.3 Սույն պայմանագրում փոփոխություններ և լրացումներ կարող են կատարվել միայն Կողմերի փոխադարձ համաձայնությամբ՝ համաձայնագիր կնքելու միջոցով, որը կհանդիսանա սույն պայմանագրի անբաժանելի մասը:

Սույն պայմանագիրը չի կարող փոփոխվել կողմերի պարտավորությունների մասնակի չկատարման հետևանքով կամ ամբողջությամբ լուծվել կողմերի փոխադարձ համաձայնությամբ՝ բացառությամբ՝ Հայաստանի Հանրապետության օրենսդրությամբ սահմանված կարգով տվյալ գնումը կատարելու համար անհրաժեշտ ֆինանսական հատկացումների նվազեցման դեպքերի: Ընդ որում, պայմանագրի կողմերի պարտավորությունների մասնակի չկատարման կամ ամբողջությամբ լուծման կողմերի փոխադարձ համաձայնությունն անհրաժեշտ է ձեռք բերել նախքան Հայաստանի Հանրապետության օրենսդրությամբ սահմանված կարգով տվյալ գնումը կատարելու համար անհրաժեշտ ֆինանսական հատկացումների նվազեցումը:

¹ Պայմանագիրն օրենքի 14-րդ հոդվածի 7-րդ կետի հիման վրա կնքված լինելու դեպքում փուլաբար հաշվարկվում է պայմանագրի գնի այն մասի նկատմամբ, որի համար փվյալ փարվա ընթացքում կհատկացվեն ֆինանսական միջոցներ և կկնքվի համաձայնագիր:

Արգելվում է սույն պայմանագրում, իսկ եթե պայմանագրի գինը գործոնային է, ապա նաև այդ պայմանագրին փոխարինող յուրաքանչյուր տարիներին կնքված համաձայնագրում կատարել այնպիսի փոփոխություններ, որոնք հանգեցնում են գնվող Ծառայության ծավալների կամ ձեռք բերվող Ծառայության միավորի գնի կամ պայմանագրի գնի արհեստական փոփոխման:

Պայմանագրի կողմերից անկախ գործոնների ազդեցությամբ պայմանագրի փոփոխման դեպքերը սահմանում է Հայաստանի Հանրապետության կառավարությունը:

7.4 Ծառայության մատուցման ժամկետը կարող է երկարաձգվել մինչև սույն պայմանագրով այդ ժամկետը լրանալը պայմանագրի կողմի առաջարկության առկայության դեպքում՝ պայմանով, որ՝ Պատվիրատուի մոտ չի վերացել գնման առարկայի օգտագործման պահանջը: Ընդ որում սույն կետով սահմանված դեպքում Ծառայության մատուցման ժամկետը կարող է երկարաձգվել մեկ անգամ մինչև 30 օրացուցային օրով:

7.5 Սույն պայմանագրի պատշաճ կատարման պայմաններում կողմերի (Կատարող կամ Պատվիրատու) օգուտները (խնայողություններ) կամ կրած վնասները տվյալ կողմի օգուտը կամ կրած վնասն են:

Սույն պայմանագրի կողմերի՝ երրորդ անձանց նկատմամբ պարտավորությունները՝ ներառյալ պայմանագրի կատարման շրջանակում Կատարողի կնքած այլ գործարքները և դրանցից բխող պարտավորությունները, դուրս են պայմանագրի կարգավորման դաշտից և չեն կարող ազդել պայմանագրի կատարման արդյունքն ընդունելու վրա: Այդ գործարքների և դրանցից բխող պարտավորությունների կատարման հետ կապված հարաբերությունները կարգավորվում են այդ գործարքների հետ կապված հարաբերությունները կարգավորող նորմերով, և դրանց համար պատասխանատու է Կատարողը:

7.6 Կատարողի կողմից ստանձնած պարտավորությունները չկատարելու կամ ոչ պատշաճ կատարելու հիմքով պայմանագիրն ամբողջությամբ կամ մասնակի միակողմանի լուծելու մասին ծանուցումը Պատվիրատուն, «Ինտերնետով հրապարակային և անհատական ծանուցման մասին» ՀՀ օրենքի 10-րդ հոդվածի համաձայն, ուղարկում է Կատարողի պաշտոնական էլեկտրոնային փոստի հասցեով և միաժամանակ նույն օրը հրապարակում է www.gnumner.am հասցեով ինտերնետային կայքում՝ նշելով հրապարակման ամսաթիվը: Կատարողը, պայմանագիրը միակողմանի լուծելու վերաբերյալ, համարվում է պատշաճ ծանուցված՝ ծանուցումը, սույն կետում նշված կայքում հրապարակվելուն հաջորդող օրվանից:

7.7 Սույն պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերը լուծվում են ՀՀ դատարաններում:


7.8 Սույն պայմանագիրը կազմված է 4 (չորս) էջից, կնքվում է երկու օրինակից, որոնք ունեն հավասարազոր իրավաբանական ուժ: Սույն պայմանագրի N 1, N 2, N 3 և N 3.1 հավելվածները հանդիսանում են պայմանագրի անբաժանելի մասը, յուրաքանչյուր կողմին տրվում է պայմանագրի մեկ օրինակ:

7.9 Սույն պայմանագրից ծագած կողմի վճարային պարտավորությունը չի կարող դադարել այլ պայմանագրից ծագած՝ հակընդդեմ պարտավորության հաշվանցով, առանց կողմերի գրավոր և կնիքով հաստատված համաձայնության: Սույն պայմանագրից ծագած պահանջի իրավունքը չի կարող փոխանցվել այլ անձի, առանց պարտապան կողմի գրավոր համաձայնության:

7.10 Սույն պայմանագրի նկատմամբ կիրառվում է Հայաստանի Հանրապետության իրավունքը:

8. ԿՈՂՄԵՐԻ ՀԱՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐԸ ԵՎ ԱՏՈՐԱԳՐՈՒԹՅՈՒՆՆԵՐԸ

Պ Ա Տ Վ Ի Ր Ա Տ ՈՒ
ՀՀ արդարադատության նախարարության
աշխատակազմ
Ք. Երևան, Վ.Սարգսյան 3/8
ՀՀ ֆինանսների նախարարության
գործառնական վարչություն
Հ/Հ 90001194272
ՀՎՀՀ 02506264



(ստորագրություն)

Կ.Տ.

ՏԵԽՆԻԿԱԿԱՆ ԲՆՈՒԹԱԳԻՐ-ԳՆՄԱՆ ԺԱՄԱՆԱԿԱՑՈՒՅՑ*

Ձ/ Հ	Գնման առարկայի անվանումը	Չափման միավորը	Տեխնիկական բնութագիր
1	Աշխատակիցների վերապատրաստման ծառայություններ	դրամ	<p style="text-align: center;">ՀՀ արդարադատության նախարարության քրեակատարողական ծառայության քրեակատարողական ծառայողների վերապատրաստում</p> <p>Վերապատրաստման նպատակն է ապահովել քրեակատարողական ծառայողների մասնագիտական գիտելիքների և աշխատանքային ունակությունների շարունակական և հետևողական կատարելագործումը: Ծառայությունը պետք է մատուցվի առավելագույնը թվով 540 քրեակատարողական ծառայողի համար, յուրաքանչյուր խումբ՝ տասը աշխատանքային օրվա ընթացքում, յուրաքանչյուր օր՝ 6 կամ 8 ակադեմիական ժամ տևողությամբ՝ համաձայն ՀՀ արդարադատության նախարարի 2017 թվականի փետրվարի 16-ի N 72-Ա հրամանով հաստատված քրեակատարողական ծառայողների վերապատրաստման դասախոսությունների ու գործնական պարապմունքների ցանկի և ժամանակացույցի /հավելվածները կցվում են/, իսկ անցկացման կարգը՝ համաձայն ՀՀ արդարադատության նախարարի 2005 թվականի նոյեմբերի 18-ի N ՔՀ-67-Ն հրամանի: Յուրաքանչյուր խումբ կազմված է առավելագույնը 35 /երեսունհինգ/ ունկնդրից: Վերապատրաստման դասընթացները անցկացվելու են նաև 2 /երկու/ զուգահեռ խմբերով: Բոլոր ունկնդիրներին պետք է տրամադրվի գրենական պիտույքներ և հիգիենայի պարագաներ /վերջինս նախատեսված է գիշերակացով ունկնդիրների համար/ կից ներկայացվող ցանկի համաձայն, և վերապատրաստման բոլոր օրերին մատուցվի ճաշարանային սնունդ կից ներկայացվող ճաշացանկի /մենյուի/ համաձայն:</p> <p>Ծառայությունը մատուցելու համար մասնակիցը պետք է ունենա՝</p> <ol style="list-style-type: none"> 1. առնվազն 2 /երկու/ լսարան՝ յուրաքանչյուրը՝ նախատեսված առնվազն 35 /երեսունհինգ/ ունկնդրի համար, հագեցած համապատասխան լսարանային գույքով /բարվոք վիճակում/, 2. առնվազն 30 /երեսուն/ ունկնդրի գիշերակացի կազմակերպման համար նախատեսված կացարան՝ առանձնացված սենյակներով /յուրաքանչյուրը նախատեսված մեկից մինչև չորս անձի համար/, 3. ճաշարան՝ համապատասխան գույքով և սպասքով /բարվոք վիճակում/, նախատեսված միաժամանակ 70 /յոթանասուն/ ունկնդրի սնունդ մատուցելու համար, 4. քրեակատարողական հիմնարկի ստանդարտներին համապատասխան իմիտացիոն /ուսումնական/ բուժ. զննման ու հանձնումքի սենյակներ և բանտախուց, նախատեսված

գործնական դասընթացների կազմակերպման համար:
Վերոնշյալ բոլոր պայմաններն ու գույքը պետք է տեղակայված լինեն միևնույն կառույցում: Կառույցի՝ Երևան քաղաքից դուրս գտնվելու դեպքում՝ մասնակիցներին ապահովել նաև տրանսպորտով:

Ծառայության մատուցման ժամկետը

Սկիզբ՝ 03.07.2017թ., Ավարտ՝ 01.12.2017թ.

«Արդարադատության նախարարության դատական ակտերի հարկադիր կատարումն ապահովող ծառայության հարկադիր կատարողների վերապատրաստում»

2

Վերապատրաստման նպատակն է ապահովել հարկադիր կատարողների մասնագիտական գիտելիքների և աշխատանքային ունակությունների շարունակական և հետևողական կատարելագործումը՝ համաձայն կից ներկայացվող հարկադիր կատարողների վերապատրաստման դասընթացների ծրագրի: Ծառայությունը պետք է մատուցվի առավելագույնը թվով 60 հարկադիր կատարողի համար, տասը աշխատանքային օրվա ընթացքում, յուրաքանչյուր օր 6 կամ 8 ակադեմիական ժամ տևողությամբ՝ համաձայն «Արդարադատության նախարարի 2017 թվականի փետրվարի 16-ի N 72-Ա հրամանով հաստատված հարկադիր ծառայողների վերապատրաստման ժամանակացույցի /հավելվածը կցվում է/, իսկ անցկացման կարգը և պայմանները՝ համաձայն Հայաստանի Հանրապետության կառավարության 2005 թվականի փետրվարի 10-ի N 154-Ն որոշման: Խումբը կազմված է առավելագույնը 60 /վաթսուն/ ունկնդրից: Բոլոր ունկնդիրներին պետք է տրամադրվի գրենական պիտույքներ և հիգիենայի պարագաներ /վերջինս նախատեսված է գիշերակացով ունկնդիրների համար/ կից ներկայացվող ցանկի համաձայն, և վերապատրաստման բոլոր օրերին մատուցվի ճաշարանային սնունդ կից ներկայացվող ճաշացանկի /մենյուի/ համաձայն:

Ծառայությունը մատուցելու համար մասնակիցը պետք է ունենա՝
1. 1 /մեկ/ լսարան՝ նախատեսված առնվազն 60 /վաթսուն/ ունկնդրի համար, հագեցած համապատասխան լսարանային գույքով /բարվոք վիճակում/,
2. առնվազն 30 /երեսուն/ ունկնդրի գիշերակացի կազմակերպման համար նախատեսված կացարան՝ առանձնացված սենյակներով /յուրաքանչյուրը նախատեսված մեկից մինչև չորս անձի համար/,
3. ճաշարան՝ համապատասխան գույքով և սպասքով /բարվոք վիճակում/, նախատեսված միաժամանակ 60 /վաթսուն/ ունկնդրի սնունդ մատուցելու համար,
Վերոնշյալ բոլոր պայմաններն ու գույքը պետք է տեղակայված լինեն միևնույն կառույցում: Կառույցի՝ Երևան քաղաքից դուրս գտնվելու դեպքում՝ մասնակիցներին ապահովել նաև տրանսպորտով:

			Ծառայության մատուցման ժամկետը
			Սկիզբ՝ 30.10.2017թ., Ավարտ՝ 10.11.2017թ.

ՑԱՆԿ

Վերապատրաստման դասընթացների ունկնդիրներին տրամադրվող գրենական պիտույքների և հիգիենայի պարագաների

Վերապատրաստման յուրաքանչյուր ունկնդրի տրամադրվող				
Ապրանքանյութական արժեքի անվանումը		Տեխնիկական բնութագիրը	Չափման միավորը	Քանակը
1	Նոթատետր	Չափսը՝ A4, 70 թերթ միջուկը՝ 1+0, 80գ. օֆսեթ, կազմը՝ 4+0, գույնը՝ միագույն /առանց նկարազարդումների/, 300գ. կավճապատ, տակի շերտը առանց տպագրության 300գ. կավճապատ	հատ	1
2	Գրիչ	Գնդիկավոր, կապույտ միջուկով	հատ	1
Վերապատրաստման գիշերակացով ունկնդրին լրացուցիչ տրամադրվող				
1	Օճառ	Չորսուների, կտորների կամ այլ ձևերով, քաշը՝ 100գ, անվտանգությունը, փաթեթավորումը և մակնշումը՝ ըստ ՀՀ առողջապահության նախարարի 2005թ. նոյեմբերի 24-ի N 1109-Ն հրամանով հաստատված «N 2-III-8. 2 օճանելիքակոսմետիկական արտադրանքի արտադրության և նավտանգության ներկայացվող հիգիենիկ պահանջների» սանիտարական կանոնների և նորմերի	հատ	1
2	Զուգարանի թուղթ	Երկշերտ կամ եռաշերտ 9,8սմ*12,5սմ, 150 թերթիկ, երկ. 18,75մ. անվտանգությունը, փաթեթավորումը և մակնշումը՝ ըստ ՀՀ կառավարության 2006թ. հոկտեմբերի 19-ի N 1546-Ն որոշմամբ հաստատված «Կենցաղային և սանիտարահիգիենիկ նշանակության թղթե և քիմիական թեթերից ապրանքներին ներկայացվող պահանջների տեխնիկական կանոնակարգի»	հատ	1

**ՃԱՇԱՑԱՆԿ /ՄԵՆՅՈՒ/
Վերապատրաստման դասընթացների ունկնդիրների**

N	Անվանումը	Գնման առարկայի տեխնիկական բնութագիրը
1.	<p align="center">Ճաշարանային սենյակի մատուցում գիշերակացով և առանց գիշերակացի ունկնդիրների համար</p>	<p>1-ին աշխատանքային օր</p> <ol style="list-style-type: none"> 08:30 – Վարսակի շիլա՝ 200գր., սև թեյ կամ լուծվող սուրճ՝ 200մլ, կարագ՝ 30գր, ջեմ (տարբեր համերի)՝ 80գր, բարձր որակի սպիտակ ցորենի ալյուրից պատրաստված հաց՝ 100գր. 13:00 – Սպաս՝ 400գր, հնդկաձավարով փլավ՝ 250գր, կոտլետ(տավարի մսով)՝ 100գր, աղցան «Կորեական»՝ 150գր, զազավորված ըմպելիք (տարբեր համերի)՝ 500մլ, բարձր որակի սպիտակ ցորենի ալյուրից պատրաստված հաց՝ 200գր. <p>2-րդ աշխատանքային օր</p> <ol style="list-style-type: none"> 08:30 – Չվաձեղ՝ երկու ձվից պատրաստված., սև թեյ կամ լուծվող սուրճ՝ 200մլ, կարագ՝ 30գր, ջեմ (տարբեր համերի)՝ 80գր, բարձր որակի սպիտակ ցորենի ալյուրից պատրաստված հաց՝ 100գր. 13:00 – Բորշ(տավարի մսով) ընդհանուր 500գր՝ 400գր- ապուր, 100գր –փափուկ միս, կարտոֆիլի խյուս՝ 400գր, կաղամբով աղցան՝ 150գր, զազավորված ըմպելիք (տարբեր համերի)՝ 500մլ, բարձր որակի սպիտակ ցորենի ալյուրից պատրաստված հաց՝ 200գր. <p>3-րդ աշխատանքային օր</p> <ol style="list-style-type: none"> 08:30 – Սպիտակաձավարի շիլա՝ 200գր., սև թեյ կամ լուծվող սուրճ՝ 200մլ, կարագ՝ 30գր, ջեմ (տարբեր համերի)՝ 80գր, բարձր որակի սպիտակ ցորենի ալյուրից պատրաստված հաց՝ 100գր. 13:00 – Հավով ապուր ընդհանուր 500գր՝ 400գր- ապուր, 100գր –հավի փափուկ միս, սպագետտի՝ 250գր., մսով սոուս՝ 150գր, աղցան «Վինեգրետ»՝ 150գր, զազավորված ըմպելիք (տարբեր համերի)՝ 500մլ,բարձր որակի սպիտակ ցորենի ալյուրից պատրաստված հաց՝ 200գր. <p>4-րդ աշխատանքային օր</p> <ol style="list-style-type: none"> 08:30 – Մեկ հատ խաշած ձու և մեկ հատ խաշած նրբերշիկ, սև թեյ կամ լուծվող սուրճ՝ 200մլ, կարագ՝ 30գր, ջեմ (տարբեր համերի)՝ 80գր, բարձր որակի սպիտակ ցորենի ալյուրից պատրաստված հաց՝ 100գր. 13:00 – Մսկով ապուր ընդհանուր 500գր՝ 400գր- ապուր, 100գր –սունկ, ուզբեկական փլավ հավի մսով ընդհանուր 350գր՝ 250գր-փլավ, 100գր-միս, կաղամբով աղցան՝ 150գր, զազավորված ըմպելիք (տարբեր համերի)՝ 500մլ, բարձր որակի սպիտակ ցորենի ալյուրից պատրաստված հաց՝ 200գր. <p>5-րդ աշխատանքային օր</p> <ol style="list-style-type: none"> 08:30 – Կաթնով՝ 200գր., սև թեյ կամ լուծվող սուրճ՝ 200մլ, կարագ՝ 30գր, ջեմ (տարբեր համերի)՝ 80գր, բարձր որակի սպիտակ ցորենի ալյուրից պատրաստված հաց՝ 100գր. 13:00 – Ոսպով ապուր՝ 400գր, կարտոֆիլի տապակա՝ 350գր, նրբերշիկ (հավի)՝ 2հատ, բազուկով աղցան՝ 150գր, զազավորված ըմպելիք (տարբեր համերի)՝ 500մլ, բարձր որակի սպիտակ ցորենի ալյուրից պատրաստված հաց՝ 200գր.

6-րդ աշխատանքային օր (շաբաթ)

1. 08:30 – Խավիճ՝ 200գր., սև թեյ կամ լուծվող սուրճ՝ 200մլ, կարագ՝ 30գր, ջեմ (տարբեր համերի)՝ 80գր, բարձր որակի սպիտակ ցորենի ալյուրից պատրաստված հաց՝ 100գր.
2. 13:00 – Փիթի (ոչխարի մսով) ընդհանուր 500գր՝ 400գր- ապուր, 100գր-միս, հաճարով փլավ(սնկով) ընդհանուր 400գր՝ 350գր-փլավ, 50գր-սունկ, աղցան <<Կորեական>>՝ 150գր, զազավորված ըմպելիք (տարբեր համերի)՝ 500մլ,բարձր որակի սպիտակ ցորենի ալյուրից պատրաստված հաց՝ 200գր.

7-րդ աշխատանքային օր

1. 08:30 – Վարսակի շիլա՝ 200գր., սև թեյ կամ լուծվող սուրճ՝ 200մլ, կարագ՝ 30գր, ջեմ (տարբեր համերի)՝ 80գր, բարձր որակի սպիտակ ցորենի ալյուրից պատրաստված հաց՝ 100գր.
2. 13:00 – Սպաս՝ 400գր, հնդկաձավարով փլավ՝ 250գր, կոտլետ(տավարի մսով)՝ 100գր, աղցան «Կորեական»՝ 150գր, զազավորված ըմպելիք (տարբեր համերի)՝ 500մլ, բարձր որակի սպիտակ ցորենի ալյուրից պատրաստված հաց՝ 200գր.

8-րդ աշխատանքային օր

1. 08:30 – Զվածեղ՝ երկու ձվից պատրաստված., սև թեյ կամ լուծվող սուրճ՝ 200մլ, կարագ՝ 30գր, ջեմ (տարբեր համերի)՝ 80գր, բարձր որակի սպիտակ ցորենի ալյուրից պատրաստված հաց՝ 100գր.
2. 13:00 – Բորշ (տավարի մսով) ընդհանուր 500գր՝ 400գր- ապուր, 100գր –փափուկ միս, կարտոֆիլի խուս՝ 400գր, կաղամբով աղցան՝ 150գր, զազավորված ըմպելիք (տարբեր համերի)՝ 500մլ, բարձր որակի սպիտակ ցորենի ալյուրից պատրաստված հաց՝ 200գր.

9-րդ աշխատանքային օր

1. 08:30 – Սպիտակաձավարի շիլա՝ 200գր., սև թեյ կամ լուծվող սուրճ՝ 200մլ, կարագ՝ 30գր, ջեմ (տարբեր համերի)՝ 80գր, բարձր որակի սպիտակ ցորենի ալյուրից պատրաստված հաց՝ 100գր.
2. 13:00 – Հավով ապուր ընդհանուր 500գր՝ 400գր- ապուր, 100գր –հավի փափուկ միս, սպագետտի՝ 250գր., մսով սոուս՝ 150գր, աղցան <<Վինեգրետ>>՝ 150գր, զազավորված ըմպելիք (տարբեր համերի)՝ 500մլ,բարձր որակի սպիտակ ցորենի ալյուրից պատրաստված հաց՝ 200գր.

10-րդ աշխատանքային օր

1. 08:30 – Մեկ հատ խաշած ձու և մեկ հատ խաշած նրբլերշիկ, սև թեյ կամ լուծվող սուրճ՝ 200մլ, կարագ՝ 30գր, ջեմ (տարբեր համերի)՝ 80գր, բարձր որակի սպիտակ ցորենի ալյուրից պատրաստված հաց՝ 100գր.
2. 13:00 – Մսկով ապուր ընդհանուր 500գր՝ 400գր- ապուր, 100գր –սունկ, ուզբեկական փլավ հավի մսով ընդհանուր 350գր՝ 250գր-փլավ, 100գր-միս, կաղամբով աղցան՝ 150գր, զազավորված ըմպելիք (տարբեր համերի)՝ 500մլ, բարձր որակի սպիտակ ցորենի ալյուրից պատրաստված հաց՝ 200գր.

➤ Կատարողը պարտավորվում է վերոնշյալ մենյուին համապատասխան Շառայությունը մատուցել Հայաստանի Հանրապետությունում գործող հանրային սննդի համար նախատեսված սանիտարահիգիենիկ, սանիտարահամաճարակային, ինչպես նաև հանրային սննդի մատուցման